

partecipemmo tutti i anni: Santa Zitta, o Corpus Domini, Sant' Antògno de Bocadaze e San Gioan Batista. E questo solo pe çitâ e cöse ciù inportanti.

E a setembre cöse sucediâ? Ben, pe primma cösa st'anno chi gh'è da celebrâ e eleçioin pe-o renewo de càreghe sociali. Niatri semmo pronti. I nommi di candidæ son za sciortii inte l'urtimo Boletin.

Non apenn-a se poriemmo rionî convochiemmo o Parlamento per l'aprovaçion do bilancio e da relaçion morale e, in coa, se votiâ. A dæta e o pòsto saian comunicæ, secondo o Statuto, co-in giusto antiçipo a tutti i sòcci.

E ativitæ ciù inportanti, perché periòdiche, son i Martedì de A Compagna, i Venerdì de A Compagna e o corso de zeneize. Ben, intanto recuperiemmo i Martedì e i Venerdì za programæ e sospeixi. Comme senpre a programaçion a

saiâ publicâ in sciô nòstro scito Internet, ma se daiemo da fâ pe fâ sciortî o Boletin de òtobre-dexembre verso a meitæ de setembre pròpio pe fâ conosce e dæte di nòstri incontri. O corso de zeneize o se tegniâ inta Sala Chierici da Biblioteca Berio a partî da-o primmo mercoledì dòppo Pasqueta do 2021: pe questo, do corso ne daiö notiçia durante i atri apontamenti.


Pe concludde veuggio aseguâ tutti i sòcci che o Consolato o se da da fâ pe poei repigiâ o ciù fito poscibile e nòstre ativitæ gradie segge pe-o contegnuo culturale di incontri, segge pe-i contatti tra de niatri che, a son de veddisse, semmo òrmai vegnui 'na brancâ de amixi. E anche sta cösa chi, fæmelo dî, a fa parte do spirito da Compagna e da coæ che tutti gh'emmo de continuoâ a parlâ o nòstro bello zeneize e tegni erto o nomme de Zena, la Superba.

ACROSTICO

Creddo che ricordiemmo con intime emoçioin
Ògni àtimo visciûo, in doræ segregaçioin,
Relaçionandose in mòddo asæ diversò e
Òservando, con diversa atençion,
Neuve sitoaçioin inte atri momenti scontæ
Antighe comme a vitta, ma squæxi ascordæ.

Vive a quotidianitæ a epidèrmico contatto
Invisa a riflètte in scî perché da vitta
Rivixitando, in questa costruçion, poscibilitæ
Ùniche inta seu quotidiann-a sucescion,
Scrovî che vixin se peu ancon stâ ben!

Mario Gerbi



NICCOLÒ PAGANINI

Nel 180° anno dalla morte avvenuta a Nizza, omaggiamo il nostro concittadino, il più grande violinista di tutti i tempi, che è ricordato con la targa posta sulla sua ultima dimora a imperitura memoria dai Francesi, in Rue de la Préfecture.

